

400 Als mir diu âventiure sagete,
 ir vederspil dâ jagete
 den kranch oder swaz vor in dâ vlôch. sw. dâ (om. Z) vor in (vor im da I) vl. (floc G). *G (ohne OL)
 ein râvît von Spane hôch
 5 reit der kûnec Vergulaht.
 sîn blic was tac wol bî der naht.
 sîn geslehte sante Mazadan
 vûr den berc ze Famorgan.
 sîn art was von der feien.
 10 in dûhte, er sæhe den meien
 in rehter zît von bluomen gar,
 swer nam des kûneges varwe war.
 Gawanen des bedûhte,
 dô der kûnec sô gein im lûhte,
 15 ez wære der ander Parzival
 unt daz er Gahmuretes mâl
 hete, alsô diz mære weiz,
 dô der reit in ze Kanvoleiz.
 Ein reiger tet durch vluht entwîch Sîn r. (reit T) *T (nur T)
 20 in einen muorigen tîch.
 den brâhten valken dar gehurt.
 der kûnec suochte unrehten vurt,
 in valken hilfe wart er naz.
 sîn ors verlôs er umbe daz,
 25 dar zuo al diu kleider sîn,
 doch schiet er valken von ir pîn. er die v. *T
 daz nâmen die valkenære.
 ob daz ir reht iht wære?
 ez was ir reht, si soltenz hân.
 30 man muose ouch si bî rehte lân.

*D: D *m: m *G: G I O L Z *T: T U V

1 Überschrift: Aber hern gawans auentevre eine Z · Initiale D I O L Z T U V **4** Majuskel T **17** Initiale I **19** Initiale m T U · Majuskel D

4 Spane] Hispanie *m (L V) **9** der] den *m O V **25** diu] di D **26** er] der *m